

# Халқ депутатлари Узун туман Кенгашининг 42 сессияси бўлиб ўтди

Жорий йилнинг 20 апрел куни Халқ депутатлари Узун туман Кенгашининг навбатдаги қирқ иккинчи сессияси бўлиб ўтди. Унда Халқ депутатлари туман Кенгаши депутатлари, кун тартибига киритилган масалалар юзасидан масъул идора ва ташкилот раҳбарлари ҳамда оммавий ахборот воситалари ходимлари иштирок этишди.

Сессия ишини Халқ депутатлари Узун туман Кенгаши раиси ўринбосари-Тошбоев Бўри Ишмаматович бошқариб борди.



Сессия кун тартибига қуйидаги масалалар киритилди:

1. Узун туман адлия бўлими бошлиғи У. Дониёровнинг 2022 йил I-чорак давомида давлат органлари ва ташкилотлари туман тузилмаларининг норма ижодкорлиги ҳамда ҳуқуқни қўллаш амалиёти ҳолати тўғрисидаги ахбороти тўғрисида.

2. Ўзбекистон Республикаси Президентининг 2020 йил 6 ноябрдаги ПФ-6108-сонли Фармонининг 11-банди ижроси юзасидан Сурхондарё вилоят халқ таълими бошқармасининг хатига асосан тумандаги 9,30,34,61-сонли умумтаълим мактабларига мактаб директори лавозимига номзодларни тавсия этиш тўғрисида;
3. Узун тумани “Обод қишлоқ” ва “Обод маҳалла” дастурлари доирасида 2023-йилда қурилиш ва ободонлаштириш ишлари амалга ошириладиган қишлоқлар тўғрисида.
4. Ўзбекистон Республикаси Президентининг 2021-йил 17-февралдаги “2021-2023-йилларда Сурхондарё вилояти Узун тумани Боботоғ ҳудудини ижтимоий-иқтисодий ривожлантириш чора-тадбирлари тўғрисида” ПҚ-4995-сон Қарорининг ижроси юзасидан 2022-йилнинг I-чорагида амалга оширилган ишлар тўғрисида

#### 5. Бошқа масалалар.



Сессия ишида туман Адлия бўлими бошлиғининг туман даражасидаги давлат органлари ва ташкилотларининг норма ижодкорлиги ҳамда ҳуқуқни қўллаш

амалиёти ҳолати тўғрисида ахбороти,

Ўзбекистон Республикаси Президентининг 2020-йил 6-ноябрдаги ПФ-6108-сонли Фармонинг 11-бандига асосан Сурхондарё вилоят Халқ таълими Бошқармасининг томонидан туманидаги 9,30,34,61-сонли умумтаълим мактабларига мактаб директори лавозимига тавсия этиш учун юборилган номзодларнинг умумтаълим мактабларида таълим сифатини юқори даражага олиб чиқиш бўйича 3 йиллик дастурлари юзасидан ҳисоботлари,



“Обод қишлоқ” ва “Обод маҳалла” дастурлари доирасида 2023-йилда қурилиш ва ободонлаштириш ишлари амалга ошириладиган қишлоқларни белгилаш,

Боботоғ ҳудудини ижтимоий-иқтисодий ривожлантириш юзасидан амалга оширилган ишлар,

Туман Кенгаши депутатлари С.Гулбоева ҳамда, С.Мусурмоновларнинг бошқа ишга ўтганлиги муносабати билан, ўз аризаларига биноан депутатлик ваколатини муддатидан илгари тугатиш,

“Бола ҳуқуқларининг кафолатларини таъминлаш тизимини янада такомиллаштириш чора-тадбирлари тўғрисида”ги Фармонига асосан туманда болалар масалалари бўйича туман комиссия томонидан амалга оширилган

ишлар,

2022 йилнинг 1-чораги давомида маҳаллий бюджети даромадлар режасининг белгиланган прогноз кўрсаткичларидан орттириб бажарилган қисми ҳисобидан маблағ ажратиш,

2022 йил март ойида ўтказилган биринчи босқичда жамоатчилик фикри асосида шаклланган тадбирларни кўриб чиқиш ва молиялаштириш бўйича тумандаги мутасадди раҳбарларнинг ҳисобот ва ахборотлари тингланди.



Музокараларда сўзга чиққанлар сессия кун тартибидаги масалалар юзасидан ўз фикр ва мулоҳазаларини билдирдилар.

Сессияда кўрилган масалалар юзасидан тегишли қарорлар қабул қилинди.

MUQADDAS YURTIMIZ BAĞRI KENG  
SADOQAT BILAN XIZMAT QILISH B  
ENG SHARAFLI BURCHIM



MUQADDAS YURTIMIZ BAĞRI KENG XALQIMIZGA  
SADOQAT BILAN XIZMAT QILISH BARCHAMIZNING  
ENG SHARAFLI BURCHIMIZDIR

